



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Mandans & Mandatarius.

**urn:nbn:de:hbz:466:1-40647**

alia, nam oscula & amplexus non sunt ex sua specie libidinosa, ut docet D. Thomas loc. cit. in corp. art. & in eis ponitur abesse omnis intentio & cogitatio voluptatis venereæ. Deinde, tangere res molles, suaves, & temperatas propter delectationem inde naturaliter resultantem, non est mortale: ergo nec tangere carnes alienas, secluso alio si re, & periculo. Sed hanc opinionem Syluij merito improbat Sanchez in summ. tom. 2. lib. 5. cap. 6. num. 12. part. 4. tractat. 4. resolut. 136. Et sententiam docentem, dari paruitatem materiæ in rebus venereis, Claudius Aquatius Generalis Societatis veruit, ne quis ex suis Patribus publice, vel priuatim doceret, aut se iudicare significaret ut tolerabilem, cuius decretum affert P. Trimarchi de cons. sollicitat. disputat. 1. sect. 7. num. 46. Et Texeda tom. 1. lib. 2. tractat. 5. controuers. 13. numero 73. ac Baldellus tom. 1. lib. 3. disputat. 14. num. 4. testantur, Clementem VIII. in Officio Inquisitionis definiuisse, in rebus venereis non dari puritatem materiæ. Et ita est omnino tenendum. \* Hæc est sententia. Auctoris, quam expressè docet, & se docere profitetur. part. 3. tractat. 5. resolut. 89. in fine, part. 4. tractat. 4. resolut. 136. §. Notandum, & tractat. 5. resolut. 5. & part. 5. tractat. 5. resolut. 9. tractans quæ docuerat in resolut. 89. citata in primo §. Nimirum, quod tangere alterius verenda ex leuitate, vel tangere super vestes non alia intenta delectatione, quam strilla, quæ prouenit ex tactu mediatato, item tangere digitum, vel manum fœminæ, & conficere partes obscenas brutorum, non sit mortale, quæ est doctrina Granado, quem ipse in RR. citat. confutat, in 1. 2. controuers. 6. tractat. 4. disputat. 7. num. 3. & 6. & nouissime part. 7. tractat. 11. resolutione 28.

Aliqua nota circa luxuriam. 4. Aliqua notanda circa luxuriam. Primò, quod mollities, Sodomia, & bestialitas distinguuntur specie contra Filiiuecium. Quædo part. 9. tract. 8. resolut. 31. Secundò conficere pudenda brutorum ex curiositate videndi semen est peccatum mortale, quod non explicat. vici in part. 1. tractat. 17. resolut. 37. nunc

verò affirmatiuè respondet ibid. quaritur 2. Tertio fœminæ non licet se agitare post coitum cum viro, qui statim, ut seminauit extraxit membrum virile a vase, ita ut semen emitat. Texeda, & alij quaritur 3. Quarto illicitum est fœminis tactibus impudicis se conficere pudenda ad expellendum semen corruptum. Texed. quaritur 4. Quintò conficere membrum virile in vase præpostero est peccatum mortale (tamen si absit periculum pollutionis) & fiat cum animo consummandi in vase naturali, non est mortale, quia tales tactus non tollunt intentionem agentis. Dian. sed tu cogita. quaritur 5. Sextò tactus illiciti sunt inter virum, & vxorem cum periculo pollutionis. Præposit. quaritur 6. Septimò non est licita nec debita effusio seminis in copula fornicata ante effusione alterius. Auerfa ibid. & tandem septimò. Copula cum fœmina dormiente (quod industria non fiat) est eiusdem speciei, cuius est fœmina. DD. varia asserunt. part. 9. tract. 9. resolutione 2. Octauò, Religiosus & Sacris initiatus in actu venereo, non tria, sed vnum peccatum committit. part. 10. tractat. 11. resolutione 12.

## M A N D A N S, E T

## Mandatarius.

**M**andans non tenetur restituere Nō tenetur damna vltra mandatum suum, mandans ut si mandatarius inculit damnum existit ut cedendo fines mandari. Dicastillus, & tra. māda si mandatarius occidit aliquem, quem tum. mandans vulnerari, vel verberari, tenetur ipse pœna ordinaria homicidij non mandans. Hūnnius, & alij. part. 8. tractat. 7. resolut. 33.

2. Mandatarius non obligatur in foro conscientie de leui, & leuissima culpa in casu delicti, & culpæ daræ, ut si res mandantis apud mandatarium pereat culpa sua lata, tenetur restituere mandanti, si verò culpa tantum leui, vel leuissima, non tenetur Mandatarius.



tarius, sed Domino suo, id est mandanti  
res illa perit. Diana part. 3. tract. 6. ref. 49.  
p. 8. tr. 7. ref. 34. & p. 9. tr. 7. ref. 32.

## M A R I T V S.

*Maritus habet dominium corporis uxoris.*  
**M**aritus habet dominium corporis suae uxoris, sicut e contra, & tenentur invicem reddere debitum. Vide verb. *Debitum conjugale.* verb. *Copula.* verb. *Oscula.* verb. *Tactus.* Potest maritus irritare vota uxoris: ferè omnia. Vide verb. *Voti relaxatio.* Potest dimittere uxorem comprehensam in adulterio, non tamen occidere. Vide verb. *Adulterium n. 4.* & 5. An verò incurrit irregularitatem bigamiae, si illam postea cognoscit. Vide verb. *Irregularitas, n. 11.* Item potest cohabitare cum uxore excommunicata. Vide verb. *Excommunicationis, n. 34.* Ut maritus fiat Cardinalis, vxor siue sit iuvenis, siue senex, satis est quod maneat in saeculo cum voto castitatis. Vide verb. *Cardinalatus, n. 5.* Sed quid si ipse, vel vxor Religionem vulgredi? Vide verb. *Ingressi Religionem.*

## M A T E R.

**C**ertum est, quod homo liber vendi non potest, etiam si referatur in tempus; quo iam sit servus. Videatur Mol. *dis. 34. n. 21.* & *dis. 33.* in extrema tamen necessitate famis filius potest vendi à Patre. L. 2. *Cod. de Patribus qui filios suos distraxerunt.* Vide *Dicast. de iust. lib. 2. tract. 9. disput. 1. num. 85.* Aliter etiam in extrema necessitate filium vendere nequit: nam qui in sua potestate aliquid non habet, nequit illud vendere, sed filii non sunt in potestate patris, ut expediti iuris est; ego, &c. Ita Gregorius Acacius. Sed oppositè mordicus adhæret Hulticus Hunnius. *part. 9. tractat. 7. resolutione 27.*

## M A T E R I A L E V I S.

**Q**uoniam actus distinctionem sumunt ab obiectis, ad cognoscendum, utrum in transgressione alicuius præcepti detur materia levis, quæ constituat culpam tantummodò venialem, hanc regulam tradit Baldellus *tom. 1. lib. 3. disputat. 14. num. 3.* Si ex ratione obiecti per se prima oritur notabilis oppositio ad virtutem versantem circa illud, in tali obiecto non datur materia levis. Si autem ex ratione obiecti per se prima oritur oppositio ad virtutem neque gravis, neque levis, ita ut fiat deinde gravis ex ratione obiecti per se secunda; tunc dabitur materia levis, & culpa levis. Exemplum. Quia in furto ratio per se prima est, quod res quæ habet solum esse malum ut sic, & contra iustitiam ut sic, non autem notabiliter, id quod habet solum ex eo, quod res aliena sit notabilis, furtum erit gravis, vel levis culpa iuxta rei acceptæ magnitudinem, aut parvitatem. Contra verò, quia in materia infidelitatis ratio per se prima est, quod negetur fides Deo aliquid revelanti, quod ex se habet notabilem oppositionem, ad virtutem fidei, ideo in peccato infidelitatis non datur materia & culpa levis. Sed Palaus *tom. 1. tractat. 2. disputat. 2. punct. 7. numero 2.* ex Ecclesiæ & fidelium sensu id autumat desumendum, qui fundatur in ipsarum rerum natura. Nam aliqua sunt ita ex natura sua inordinata, ut in quavis materia reputentur gravissima, ut idololatria, simonia, infidelitas, &c. aliqua ita levia, ut, nisi aliqua circumstantia accedat semper reputentur levia, ut verbum otiosum, scurrilitas, &c. alia denique ex natura sua mala quidem, sed nec levia, nec gravia, crescentia tamen, & decrescentia iuxta quantitatem materiæ, ut furtum, &c. *p. 5. tra. 5. refol. 1.*

2 ✕ Igitur datur materia levis in  
Gggg 3 primis.